

Na osnovu člana 43, 44 i 45. Statuta Stranke za Bosnu i Hercegovinu, Konvencija Stranke za Bosnu i Hercegovinu, na zasjedanju održanom 20.05. 2006. godine, sa ovlaštenjima utvrđenim za Skupštinu Stranke, d o n o s i

O D L U K U

o izmjenama i dopunama Statuta Stranke za Bosnu i Hercegovinu

Član 1.

U članu 7. u trećoj alineji : Iza riječi «na teritorijalnom principu», dodaju se riječi ; «pri čemu općinske, kantonalne i entitetske granice nisu limitirajuće»

U članu 17. iza stava 1 dodaje se novi stav 2 koji glasi:

Navedeni broj članova općinske skupštine Stranke u izuzetnim slučajevima može biti i manji, ako za to postoje opravdani razlozi. O opravdanosti razloga odlučuje Predsjedništvo.

- **dosadašnji stav 2 postaje stav 3**

Član 44. mijenja se i glasi:

Član 44.

Konvencija se u pravilu saziva radi utvrđivanja izbornog programa Stranke i drugih važnih političkih pitanja.

Konvenciju saziva Predsjednik Stranke na osnovu odluke Predsjedništva.

Konvencija se obavezno saziva ako to zatraži Skupština Stranke, Izvršna komisija, Predsjedništvo ili najmanje 5 (pet) kantonalnih ili 3 (tri) regionalna vijeća odnosno 5 (pet) kantonalnih ili 3 (tri) regionalna vijeća u skladu sa novom regionalnom organizacijom Bosne i Hercegovine.

Iza člana 46. dodaje se novi član 46a. koji glasi:

Član 46 a.

Skupštinu Stranke saziva predsjednik Stranke na osnovu odluke Predsjedništva. Skupština se obavezno saziva ako to zatraži Izvršna komisija, Predsjedništvo ili najmanje 4 (četiri) kantonalna ili 2 (dva)

regionalna vijeća Stranke odnosno 4 (četiri) kantonalna ili 2 (dva) regionalna vijeća Stranke u skladu sa novom regionalnom organizacijom Bosne i Hercegovine.

Skupština se u pravilu saziva jednom godišnje.

Iza člana 48. dodaje se novo poglavlje koje glasi:

PREDSJEDNIK STRANKE

Član 48a.

Predsjednik Stranke:

- predstavlja i zastupa Stranku,
- rukovodi radom Predsjedništva Stranke,
- koordinira rad svih organa Stranke,
- preko organa Stranke, pokreće raspravu i rješavanje političkih i drugih pitanja od važnosti za Stranku,
- osigurava jedinstvo djelovanja svih organa Stranke,
- u slučajevima nemogućnosti sazivanja Predsjedništva Stranke, može donositi odluke iz nadležnosti Predsjedništva Stranke, koje taj organ naknadno verifikuje ,
- predlaže Izvršnoj komisiji popunu organa Stranke do 1/3 članova, ukoliko za to postoji potreba,
- predlaže Izvršnoj komisiji formiranje i raspuštanje organizacionih oblika Stranke,
- obavlja i druge poslove u skladu sa Statutom Stranke,

Član 50. mijenja se i glasi:

Član 50.

Predsjedništvo je izvršno – politički organ Stranke i broji 19 članova. Predsjednik Izvršne komisije i Generalni sekretar su po položaju članovi Predsjedništva.

Kod izbora Predsjedništva vodit će se računa o nacionalnoj, regionalnoj, spolnoj i zastupljenosti mladih.

Član 51. mijenja se i glasi:

Član 51.

Mandat članova Predsjedništva je 4 (četiri) godine.

Ukoliko nekome od članova Predsjedništva iz bilo kojeg razloga prestane mandat, izbor novog člana izvršit će Izvršna komisija, na prijedlog Predsjednika Stranke.

Član 52. se briše a novi član glasi:

Član 52.

Stranka ima 4 (četiri) potpredsjednika.

Potpredsjednike Stranke bira predsjedništvo na prijedlog Predsjednika Stranke.

Potpredsjednici pomažu u radu Predsjedniku, u odsustvu ga zamjenjuje jedan od potpredsjednika kojeg odredi Predsjednik.

U tom slučaju potpredsjednik koordinira rad Predsjedništva i vrši druge poslove u skladu sa Statutom.

U članu 54. u stavu 1. riječi « predstavlja i zastupa Stranku i « brišu se, a deveta alineja se mijenja i glasi:

Pri izboru organa i tijela Stranke i kandidacionih lista za parlamente na svim nivoima, izvršne organe vlasti i dr., vrši ulogu kandidacionog tijela, na prijedlog Predsjednika Stranke.

U članu 57. u stavu 1. na kraju druge alineje dodaju se riječi : na prijedlog predsjednika Stranke.

Član 58. mijenja se i glasi:

Član 58.

Stranka ima generalnog sekretara kojega na prijedlog Predsjednika Stranke bira Izvršna komisija.

Generalni sekretar preduzima operativne mjere na izvršavanju odluka središnjih organa Stranke; stara se o zakonitosti rada Stranke. jedan je od naredbodavaca za korištenje sredstava Stranke, neposredno rukovodi stručnim službama Stranke; bavi se unutrašnjim organizacionim pitanjima Stranke i vrši druge poslove koje mu povjere središnji organi Stranke.

Član 2.

Odluka stupa na snagu danom donošenja i primijenjivaće se od dana donošenja.

Broj : 544 / 2006

Predsjednik Radnog predsjedništva

Datum : 20.05.2005.

Dr. Safet Halilović